



1. juli 2024

Imaqarniliaq

uanga

Silaannakkut angallanneq pillugu inatsisip allangortinneqarnissaa pillugu inatsisip Kalaallit Nunaannut atuutilersinneqarnissaanut peqqussut

Silaannakkut angallanneq pillugu inatsisip allangortinneqarnissaa pillugu inatsisip Kalaallit Nunaannut atuutilersinneqarnissaanut peqqussummut missingiutip siunertaraa silaannakkut angallanneq pillugu inatsimmut allanguutit Kalaallit Nunaannut atuutilersinneqarnissaat, Folketingetip ulloq 30. november 2023-mi akuersissutigisaat (inatsit nr. 1569, 12. december 2023-meersoq).

Missingiutitigut aallaqqaasiutialugu siunnersuutigineqarpoq Havarikommisionenip misissuinissamut pisussaaffiata sinaakkutaasa allangortinneqarnissaat. Siunnersuutikkut Havarikommisionenip misissuinissamut pisussaaffia annertunerulersinneqarpoq ajutoornerit tamarmik ilaatinneqalerlutik, ajorluinnartumik imaluunniit ilungersunartumik ajoquserfiusunik pisoqarnerani, tassunga ilagitillugit silaannakkut angallatinik oqitsuaqqanik aamma timmisartunik timersuutinik ajutoornerit, taamaattoq ajutoornerit pinnagit faldskærmit, drageflyt, glideskærmit imaluunniit paratriket taamaallaat akuuffigisaat.

Tulliatut siunnersuutigineqarpoq silaannakkut angallanneq pillugu inatsimmi transportministerip Havarikommisionenip suliami annertunerusumik misissuinissaanut inassuteqarnissamut piginnaatitaanissaanut tunngatillugu aalajangersakkanik allangortitsinissaq. Allanguutip isumannaassavaa, Havarikommisionenip oqartussaqaarfittut arlaannaanut attuumassuteqanngitsutut iliuuseqartarnissaa, ilitsersorneqarnissamut oqaasissaqaarfigineqanngitsutut, aammalu transportministerip Havarikommisionenimut annertunerusumik misissuinissaq pillugu noqqaasinnaanerata ataannartinneqarnissaa isumannaarneqarluni.

Ukiuni kingullerni dronet annertusiartortumik inuussutissarsionermut atorqealerrneri tunngavigalugu, aamma siunnersuutigineqarpoq silaannakkut



angallanneq pillugu inatsimmi tunngavimmik pilersitsinissaq, dronet suliaqarfiini piginnaatitsissutinik nalinginnaasumik tunniussinissamut periarfissiinissamut, Kalaallit Nunaannut atuuttussamik, taamaalillutik dronet suliaqarfiini suliaassat pisortat oqartussaqaarfiinut allanut, suliniaqatigiiffinnut namminersortunut, suliffeqaarfinnut aamma immikkut paasisimasalinnut tunniunneqarsinnaalertillugit, nalilerneqarpat tamanna silaannakkut angallannermi isumannaassutsimut akornutaassanngitsoq.

Peqqussummut missingiutip siunertaraa transportministeri innuttaasut aamma suliffeqaarfiit silaannakkut angallanneq tamaat eqqarsaatigalugu tunngaviusumik digitalimik aqqissuussinernik, Trafikstyrelsenip atugassiissutigisaanik, atuinissaat pillugu malittarisassanik aalajangersaanissamut piginnaatitsissummik tunissallugu, taamaaliornikkut sunniuteqarluartumik sulianik ingerlatsineq pitsaanerpaamik ikiorserumallugu.

Aamma silaannakkut angallanneq pillugu inatsimmi teknikkikkut/oqaatsitigut allanguutit siunnersuutigineqarput, atortussatigut sunniuteqartussaannngitsut.

Tamatuma saniatigut peqqussummut missingiummi § 1, nr. 1-ikkut aamma nr. 12-ikkut teknikkikkut iluarsinerit siunnersuutigineqarput, silaannakkut angallanneq pillugu inatsimmut Kalaallit Nunaannut atuuttumut.

Inatsimmut tunngatillugu, Folketingetimi akuersissutigineqartumut, silaannakkut angallanneq pillugu inatsimmi § 2-p allangortinneqarnera akuersittugineqartoq peqqussummut missingiutip taamaallaat allaanerussutigivaa. Silaannakkut angallanneq pillugu inatsimmi § 2-p allangortinneqarnera silaannakkut angallanneq pillugu inatsisip EU-mi inatsiseqarnermut naapertuunnerata isumannaarneqarnissaa siunertaralugu pisimavoq, taamaalilluni allanguinerup Kalaallit Nunaannut atuutilersinneqarnissaa attuumassuteqassanngilaq. Aammattaaq EU-mi inatsisinut innersuussutit, inatsisip akuersissutigineqartup oqaasertaanut tunngatillugu peerneqarput. Tamatuma saniatigut, inatsimmut akuersissutigineqartumut tunngatillugu inatsimmi teknikkikkut allanguutit taamaallaat suliarineqarput, peqqussummi allanguutit siunnersuutigineqartut silaannakkut angallanneq pillugu inatsimmut, Kalaallit Nunaannut atuuttumut, naapertuunnissaat isumannaarniarlugu.